



Bokn kommune
Boknatun
5561 Bokn

Att. Skulefagleg ansvarleg Ingunn Toft

Postadresse:
Postboks 59 Sentrum,
4001 Stavanger

Besøksadresse:
Lagårdsveien 44, Stavanger

T: 51 56 87 00

F: 51 52 03 00

E: fmropost@fylkesmannen.no

www.fylkesmannen.no/rogaland

Melding om tilsyn - Skolen sitt arbeid med elevane sitt utbytte av opplæringa

Etter § 14-1 første ledd i opplæringslova har Fylkesmannen heimel til å føre tilsyn med offentlege skular. Fylkesmannen har rett til innsyn i dokument og tilgjenge til lokale og anlegg når det er nødvendig for å ivareta Fylkesmannen sine oppgåver, jf. kommunelova § 60c.

Felles nasjonalt 2014-2017 handlar om skulen sitt arbeid med elevane sitt utbytte av opplæringa og består av tre område for tilsyn: Skulen sitt arbeid med eleven sitt utbytte av opplæringa, skulen sin forvaltningskompetanse og skulebasert vurdering. Utdanningsdirektoratet har utarbeidd rettleiingsmaterieill for det felles nasjonale tilsynet. Rettleiingsmateriellet inneheld nærare informasjon om dei ulike tilsynsområda og innhaldet i det felles nasjonale tilsynet, og er tilgjengeleg på www.udir.no

Denne meldinga om tilsyn gjeld:

1. Bokn skule og barnehage sitt arbeid med elevane sitt utbytte av opplæringa, jf. opplæringslova kap.1, 2 og 5 og forskrift til opplæringslova kap.1 og 3. Hovedpunkt i tilsynet vil vere

- skulen sitt arbeid med opplæring i fag
- undervegsvurdering for å auke eleven sitt læringsutbytte
- undervegsvurdering som grunnlag for tilpassa opplæring og spesialundervisning
- vurdering av behov for særskilt språkopplæring

2. Tilsyn med skulen sin forvaltningskompetanse – avgjerder om særskilt tilrettelegging, jf. forvaltningslova § 2 og kap. IV-VI og opplæringslova kap. 2 og 5. Hovedpunkt i tilsynet vil vere

- generelle saksbehandlingsreglar for enkeltvedtak
- enkeltvedtak om spesialundervisning
- enkeltvedtak om punktskriftopplæring
- enkeltvedtak om teiknspråkopplæring
- enkeltvedtak om særskilt språkopplæring

Føremål med tilsynet

Temaet for det nasjonale tilsynet er retta inn mot skulen sitt kjerneområde: Å arbeide med eleven sitt utbytte av opplæringa. Det overordna målet med tilsynet er å medverke til at alle elevar får eit godt utbytte av opplæringa og oppnår ønskt kompetanse.

Fylkesmannen skal kontrollere at skulen sørgjer for at

- elevane får kjennskap til og opplæring i dei kompetansemåla som sentrale styresmakter har fastsett
- elevane får tilbakemeldingar og deltar i opplæringa slik at dei får reelt høve til å nå måla for opplæringa
- elevane sitt utbytte av opplæringa blir vurdert kontinuerleg, og at elevane blir følgde opp og får nødvendig tilrettelegging når utbyttet av opplæringa ikkje er tilfredstillande

Tilsynet med skulen sin forvaltningskompetanse skal også medverke til at alle elevar får eit godt utbytte av opplæringa og oppnår ønskt kompetanse. For å sikre at dette gjeld alle elevar er det viktig å ta i vare elevar som har behov for ekstra tilrettelegging i skulen. Skulen sine avgjerder om tilrettelegging for elevar, er enkeltvedtak. Reglane for enkeltvedtak i forvaltningslova skal sikre at saksbehandlinga skjer korrekt etter lova, og sikrar eleven sin rettstryggleik.

Bokn skule og barnehage må sikre dei føresette sin rettstryggleik gjennom å involvere dei i vurderingane før skulen tar avgjerder om særskilt tilrettelegging. I tillegg er det viktig at eleven sine behov blir vurderte og kartlagde på ein fagleg forsvarleg måte. Dette skal både medverke til at alle viktige behov og omsyn kjem fram, og at eleven og dei føresette forstår og ser verdien av tilrettelegginga. Både involvering og sakkunnig vurdering er viktige føresetnader for at skulen kan fatte eit vedtak som gir gode føringar for skulen si tilrettelegging.

Gjennom tilsyn med skuleeigar og skulen skal ein eventuell lovstridig praksis avdekkast og rettast opp.

Gjennomføring av tilsynet

Fylkesmannen har valt å føre tilsyn med Bokn kommune v/Bokn skule og barnehage si etterleving av lovkrava knytte til tilsynsystemaet. Tilsynet blir utført ved ein gjennomgang av innsendt dokumentasjon og intervju.

Dersom Fylkesmannen avdekker lovbrøt, vil Bokn kommune få førehandsvarsel om vedtak, jf. forvaltningslova § 16, og få høve til å uttale seg i saka. Kommunen vil deretter få ein rimeleg frist til å rette lovbrøt før Fylkesmannen vedtar eit eventuelt pålegg om retting.

Tilsynet blir opna gjennom dette brevet. Vi viser elles til kontakt med seksjonssjef Ingunn Toft og rektor ved Bokn skule og barnehage, Wenche Havikbotn.

Plan for gjennomføringa av tilsynet (med atterhald om endringar):

29.04.15: Opningsmøte/rettleiing

Veke 40: Frist for gjennomføring av eigenvurdering i Reflex og innsending av dokumentasjon

Veke 44: Intervju

Veke 48: Sluttmøte

Gjennomføring av intervju skjer på Bokn skule og barnehage. Intervjuplan blir sett opp i samråd med rektor ved skulen.

Fylkesmannen gjer merksam på at både førebels og endeleg tilsynsrapport er offentlege, jf. offentleglova § 3. Den endelege tilsynsrapporten vil bli publisert på Fylkesmannen sin nettstad.

Innsending av dokumentasjon

Fylkesmannen ber Bokn kommune om å gjennomføre eigenvurdering i Reflex. Rektor skal fylle ut eit skjema, og dei lærarane som blir avtalt mellom Fylkesmannen og skulen skal fylle ut kvart sitt skjema. Rektor og dei aktuelle lærarane skal legge ved dokumentasjonen som det blir vist til i eigenvurderingane. I tillegg ber vi skulen etter nærare avtale om å sende inn sakkunnige vurderingar, enkeltvedtak, IOP og halvårs-/årsrapport på elevar som har vedtak om spesialundervisning i dei faga/klassane som blir valde. Skulen skal også legge ved kartlegging og vedtak om særskilt språkopplæring for elevar med slikt tilbod i dei tre klassane som er med i tilsynet.

Plikta til å sende inn slik dokumentasjon følgjer av opplæringslova § 14-1 første ledd, jf. kommunelova § 60c. Dokumentasjonen som blir sendt inn, kan berre bli unntatt frå offentlegheit i den grad det er heimla i offentleglova.

Spørsmål om tilsynet kan rettast til tilsynsleiar Una Bjørnseth Haugen; fmroubh@fylkesmannen.no eller tlf. 51568724

Med helsing

Hallgeir Bø
assisterande utdanningsdirektør

Una Bjørnseth Haugen
rådgivar

Dokumentet er elektronisk godkjent og har derfor ikkje underskrift.

Saksbehandlar: Una Bjørnseth Haugen
Saksbehandlar telefon: 51 56 87 24
E-post: fmroubh@fylkesmannen.no

Kopi til:
Bokn skule og barnehage Boknatunv. 3 5561 Bokn